

Батыр мен ер

Борышын өтеп әскерлік,
Қайтты жігіт еліне,
Кіндік кескен, кір жуып,
Туып, өскен жеріне.

«Алтын жұлдыз» медалы
Кеудесінде жігіттің.
Майдандағы кеше өткен
Айғағы боп ерліктің.

Келді жігіт аулына.
Қарсы алды сүйген жар,
Омырауында оның да
«Орақ—балға» медаль бар.

Жігіт тақты медальды,
Бұзғаны үшін жау шебін.
«Орақ балға» жары апты.
Алғаны үшін мол өнім.

Ерлі-зайып, екі жас
Құшағында хұрметтің
Бірі — майдан батыры,
Бірі — ері еңбектің.

Бүркіт Ысқақов.